



Komisija za izbor, imenovanja i finansijsko-administrativna pitanja

Na osnovu člana 7. i 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 12/3, 34/03 i 65/13), a u vezi sa članom 23. i 24. Statuta ŠPD „Unsko-sanske šume“ d.o.o. Bosanska Krupa – Prečišćeni tekst, Komisija za izbor, imenovanja i finansijsko-administrativna pitanja, na 47. sjednici održanoj dana 08.01.2024.godine, raspisuje

**JAVNI OGLAS**  
**ZA IZBOR ČLANOVA SKUPŠTINE**  
**ŠPD „Unsko-sanske šume“ d.o.o. Bosanska Krupa**

U skladu sa Zakonom o ministarskim, vladinim i drugim imenovanjima Federacije Bosne i Hercegovine i Statutom ŠPD „Unsko-sanske šume“ d.o.o. Bosanska Krupa – Prečišćeni tekst, imenovanje članova Skupštine ŠPD „Unsko-sanske šume“ d.o.o. Bosanska Krupa vrši Skupština Unsko-sanskog kantona, na prijedlog Komisije za izbor, imenovanja i finansijsko-administrativna pitanja.

Skupština ŠPD „Unsko-sanske šume“ d.o.o. Bosanska Krupa se sastoji od sedam članova.

**I. NADLEŽNOSTI SKUPŠTINE**

- (1) Skupština ima sljedeće nadležnosti:
- a) donosi Statut, Etički kodeks ŠPD-a, poslovnike i druge opće akte po prijedlogu Nadzornog odbora,
  - b) odlučuje o povećanju i smanjenju osnovnog kapitala, uz suglasnost Osnivača,
  - c) odlučuje o ograničenju ili isključenju prava prenosa udjela uz suglasnost Osnivača,
  - d) usvaja plan poslovanja, odnosno revidirani plan poslovanja u skladu sa članom 83. Statuta i isti dostavlja Skupštini USK-a,
  - e) odlučuje o izboru i razrješenju članova Nadzornog odbora pojedinačno,
  - f) usvaja godišnji izvještaj ŠPD-a koji obuhvata finansijski izvještaj i izvještaj revizora, izvještaj Nadzornog odbora i Odbora za reviziju, i dostavlja izvještaj Skupštini Unsko-sanskog kantona,
  - g) odlučuje o raspodjeli godišnje dobiti i načinu pokrića gubitka,
  - h) odlučuje o spajanju s drugim društvima i pripajanju drugih društava,
  - i) odlučuje o promjeni oblika ŠPD-a,
  - j) odlučuje o prestanku ŠPD-a sa provođenjem likvidacije i odobravanju početnog likvidacionog bilansa i završnog računa po okončanju postupka likvidacije, uz suglasnost Osnivača,
  - k) odlučivanje o kupovini, prodaji, razmjeni, uzimanju ili davanju u lizing, uzimanju ili davanju kredita i drugim transakcijama, direktno ili posredstvom supsidijarnih društava u toku poslovne godine, u obimu većem od trećine knjigovodstvene vrijednosti imovine ŠPD-a, kao i o takvoj transakciji u manjem obimu (od 33%) za čije odobrenje je ovlašten Nadzorni odbor, ako on takvu predloženu transakciju nije odobrio jednoglasnom odlukom prisutnih članova,
  - l) odlučuje o izboru i razrješenju članova Odbora za reviziju,
  - m) odlučuje o statusnim promjenama,
  - n) odlučivanje o osnivanju, reorganizaciji i likvidaciji supsidijarnih društava i odobravanju njihovih statuta,
  - o) odlučuje o naknadama članovima Nadzornog odbora i Odbora za reviziju,

- p) odlučuje o poslovnicaima o radu Skupštine, Nadzornog odbora i Odbora za reviziju na prijedlog Nadzornog odbora,
- q) odlučuje o ostvarivanju zahtjeva ŠPD-a prema članovima Uprave i Nadzornog odbora u vezi sa naknadom štete nastale u vođenju poslovanja ŠPD-a,
- r) odlučuje o zastupanju ŠPD-a u sudskim postupcima koji se vode protiv članova Uprave ŠPD-a, ili eventualnim postupcima protiv članova drugih organa ŠPD-a,
- s) odlučuje o drugim pitanjima utvrđenim Zakonom o privrednim društvima i Statutom.

## II. MANDAT I NAKNADA ZA RAD

- (1) Izabrani članovi Skupštine ŠPD „Unsko-sanske šume“ d.o.o. Bosanska Krupa imenuju se na mandatni period od 4 (četiri) godine.
- (2) Predsjednik i članovi Skupštine imaju pravo na naknadu za rad.

## III. OPĆI I POSEBNI USLOVI

### (1) Opći uslovi

- a) da je državljanin Bosne i Hercegovine,
- b) da je osoba starija od 18 godina,
- c) da nije otpušten iz državne službe kao rezultat disciplinske mjere na bilo kom nivou u Bosni i Hercegovini u periodu od tri godine prije objave javnog konkursa,
- d) da se na tog kandidata ne odnosi član IX.1. Ustava Bosne i Hercegovine,
- e) da nije osuđivan za krivično djelo,
- f) da nije kažnjavan za privredni prijestup,
- g) da se protiv njega ne vodi krivični postupak,
- h) da mu pravosnažnom presudom suda nije zabranjeno obavljanje aktivnosti za poziciju na koju aplicira,
- i) da nije izabrani zvaničnik, nosilac sudske ili izvršne funkcije ili savjetnik izabranim zvaničnicima i nosiocima izvršnih funkcija,
- j) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
- k) da nije u sukobu interesa u ličnom ili profesionalnom odnosu s društvom u kom aplicira na poziciju člana Skupštine ŠPD-a.

### (2) Posebni uslovi

- a) najmanje VII stepen stručne sprema (I ciklus studiranja po Bolonjskom procesu 180 ili 240 ECTS), VSS, završen šumarski, ekonomski, pravni ili drugi fakultet društvenog ili tehničkog smjera,
- b) najmanje 3 godine radnog iskustva u struci.

Prilikom procjene kvalifikacija i iskustva kandidata kao posebni uslovi uzimaju se u obzir i sljedeći kriteriji:

- a) stručne, iskustvene, komunikacijske i organizacijske sposobnosti,
- b) sposobnost tumačenja i primjene zakona i drugih propisa, a naročito iz djelatnosti ŠPD-a,
- c) prilagodljivost timskom radu i sposobnost za savjesno i odgovorno obavljanje pozicije za koju se kandiduje,
- d) sposobnost odlučnog i nepristrasnog donošenja odluka,
- e) rezultati rada ostvareni tokom prethodnog angažmana i preporuka poslodavca.

## IV. PRIJAVLJIVANJE - POTREBNI DOKUMENTI

Kandidati su dužni dostaviti sljedeću dokumentaciju (original ili ovjerene kopije koje ne smiju biti starije od 6 mjeseci):

- a) fakultetsku diplomu (nostrificirana diploma, ukoliko fakultet nije završen u Bosni i Hercegovini ili je diploma stečena u nekoj od država nastalih raspadom SFRJ nakon 06.04.1992.godine),
- b) dokaz o radnom iskustvu,
- c) uvjerenje o državljanstvu,
- d) izvod iz matične knjige rođenih,
- e) izjavu za uslove iz alineje c), d), h), i), j) i k),
- f) uvjerenje za uslove iz tačke III. alineja e), f) i g).

Potrebni dokumenti traženi Javnim oglasom dostavljaju se uz popratni akt koji mora biti vlastoručno potpisan i u kojem se obavezno navode lični podaci (ime, prezime, adresa, broj telefona), kao i izjašnjenje o nacionalnosti.

## V. DODATNA POJAŠNJENJA

Izjave za uslove iz tačke III. alineje c), d), h), i), j) i k) mogu se dostaviti na jednom papiru koji mora biti vlastoručno potpisan i ovjeren od nadležnog organa.

## VI. NAPOMENA

Svi kandidati koji budu ispunjavali uvjete konkursa bit će pozvani na intervju pred Komisijom za izbor, imenovanja i finansijsko-administrativna pitanja. Kandidate koje nakon intervjua preporuča Komisija za izbor smatrat će se da su najuspješnije prošli otvorenu konkursnu proceduru.

Javni oglas objavljuje se u Službenim novinama Federacije Bosne i Hercegovine, dnevnom listu „Oslobođenje“ i na web stranici Skupštine Unsko-sanskog kantona [www.skupstinausk.ba](http://www.skupstinausk.ba) i ostaje otvoren 15 dana od dana posljednjeg objavljivanja.

Popratni akt sa traženom dokumentacijom dostaviti lično na protokol pisarnice Službe Skupštine Unsko – sanskog kantona ili putem pošte na adresu:

SKUPŠTINA UNSKO-SANSKOG KANTONA  
Komisija za izbor, imenovanje i finansijsko administrativna pitanja  
Ul. Alije Đerzeleza br. 2  
77000 BIHAĆ  
sa naznakom  
PRIJAVA NA JAVNI OGLAS  
ZA IZBOR ČLANOVA SKUPŠTINE ŠPD „Unsko-sanske šume“ d.o.o. Bosanska Krupa  
– NE OTVARATI

Nepotpune i neblagovremene prijave neće se uzeti u razmatranje.

Predsjedavajući Komisije za izbor  
imenovanja i finansijsko-administrativna pitanja  
Almin Hopovac

